

Bosna i Hercegovina
Federacija Bosne i Hercegovine
Tuzlanski kanton
Općina Sapna
Radna grupa za MAP
Broj: 02-05-1418/10
Datum: 20.07.2010. godine

JAVNO OBAVJEŠTENJE

Općina Sapna, zajedno sa Projektom upravne odgovornosti (GAP), finansiranim od strane Sjedinjenih Američkih Država, Švedske i Holandije, preduzima aktivnosti u cilju daljeg unaprijeđenja procesa pružanja općinskih usluga.

U okviru dijela tih aktivnosti uz pomoć pomenutih donatora, aktivnosti se vode na izradi višegodišnjeg općinskog akcionog plana za kontinuirano unapređenje općinske uprave (MAP) kako bi se što više poboljšao proces pružanja usluga i općinskih funkcija u cjelini.

S ciljem identifikovanja prioriteta i ciljeva općine Sapna za koje postoji mogućnost finansiranja u okviru navedenog projekta, radna grupa za provođenje višegodišnjeg općinskog akcionog plana imenovana od strane Općinskog načelnika je izradila listu projekata za potencijalno realiziranje kroz višegodišnji akcioni plan MAP.

Ovim putem molimo naše građane da nam dostave svoje mišljenje o predloženim projektima, kako bi nam pomogli da izabremo projekat koji ćemo kandidovati za odgovarajuće finansiranje.

U daljem dijelu teksta navedena je lista potencijalnih projekata koje u narednom periodu planiramo realizirati.

Molimo vas da pažljivo pregledate ponuđenu listu, te ukoliko imate bilo kakav komentar, da nas kontaktirate putem telefona: 035/599-532 i 599-552 ili pošaljete svoje komentare u pisanoj formi na adresu: Općina Sapna, 206.Viteške bb, 75411 Sapna, sa naznakom „ZA RADNU GRUPU ZA MAP“. Mišljenja o predloženim projektima u pisanoj formi možete poslati i putem faxesa 035/599-555 ili na e-mail o.sapna@bih.net.ba i o.sapna@opcinasapna.ba.

Listu potencijalnih projekata čine sljedeći projekti:

- 1. Unapređenje sposobnosti općine za upravljanje informacionim tehnologijama**
U provoj fazi GAP-a općina Sapna je od GAP-a dobila određen broj računara za opremanje Centra za usluge građanima i ostalih općinskih službi. Kako bi dovršili opremanje svih službi za upravu potrebno je ostatak računara zamijeniti novim, sa licenciranim softverima i antivirusom, te nabaviti dva printera u boji za potrebe urbanizma i geodezije i jedan dvostrani printer A3 u boji za ispis omota za predmete i akte na prijemnom šalteru..
- 2. Upravljanje ciklusom projekata (PCM)**
Općina Sapna je izradila strategiju razvoja čija implementacija teško i sporo ide, a jedan od razloga je nedostatak znanja potrebnog za kreiranje i uspješnu implementaciju razvojnih projekata.

Unapređenje kapaciteta na općinskom nivou, koji značajno mogu doprinijeti prevazilaženju ovog problema, u velikoj mjeri se može postići pripremom i implementacijom obuke u vezi upravljanja ciklusom projekata (PCM metodologije) i usvajanje praktičnih znanja u oblasti pripreme projekata u skladu sa pravilima i metodama koje primjenjuje Evropska komisija.

Primjena ovih metoda je preduslov za pristup fondovima EU kao i drugim fondovima koji koriste sličnu metodologiju.

Zato je ova vrsta obuke za relevantno općinsko osoblje veoma važna radi što boljeg pozicioniranja Općine Sapna u svrhu pristupa Evropskim i drugim fondovima koji pospešuju lokalni ekonomski razvoj.

3. **Skeniranje i digitalizacija dokumenata, razvoj elektronske biblioteke**

Općini Sapna u prvoj fazi GAP-a nabavljen je softver za praćenje toka dokumentacije. U svakodnevnom radu ukazuje se potreba za unapređenje općeg toka elektronske dokumentacije. To će rezultirati da elektronska verzija predmeta sadržava skenirane dokumente koji su vezani za taj predmet.

Uz odgovorajuću obuku ovaj modul će omogućiti općini da kreira elektronsku biblioteku dokumenata, čime će se postići veća efikasnost, ažuriranje predmeta i dokumentacije kroz sistem, kao i smanjenje materijalnih troškova poslovanja..

4. **Program licenciranja softvera**

Program licenciranja će osigurati stabilnost za općinski IT sistem, zaštitu autorskih prava, a time i nemogućnost pojave bilo kakvih sudskih sporova koji bi mogli biti uzrokovani korištenjem nelicenciranih softvera. Ovaj projekat će osigurati obuku i određene nabavke softverskih licenci kao i nadogradnju postojećeg softvera.

Ukoliko po vašem mišljenju postoje neki drugi projekti koji bi trebali biti obuhvaćeni općinskim akcionim planom, a nisu ovdje pomenuti molimo vas da nas kontaktirate koristeći se prethodno navedenim kontakt informacijama.

Zahvaljujemo se na razumijevanju i saradnji.

Koordinator radne grupe za MAP

Ramo Bećirović v.r.